



Шооно эл, порумук да гын берг!

15-ше (3507) №,
2021 ий 9 апрель,
кугарня.

Будь готов/

ЯМДЕ ЛИЙ

1933 ий 1 февраль годсек лектеш.

0+

Поч книгатым, шўжарем

Газетым онлайн
налын кертыда.
Кугарня24.рф сай-
тыште «Кевыг» ужа-
шыш пурьза да кел-
шыше номерым
ойырыза. Тичмаш
газет электрон
почтышкыда толеш.



Фотом еш архив гыч налме.

10 апрельыште – ака, шўжар,
иза ден шольо-влакын кечышт. Тидын
вашеш Оршанке район Кугу Ёрша гыч Козловмыт
еш дене палыме лийым. Татьяна Сергеевна ден
Николай Львовичын икшывышт (**снимкыште**) моткоч чолга
улыт. Кугуракше, Софья, почеламутым сылнын лудеш. «Живая
классика», «Колумб лудмаш» конкурслаште мастарлыкшым кажне
ийын терга да сенышыш лектеш. Ёдыр эше сўретлаш кумылан.
Радимир шольыжо спортлан шўман. Футболла модаш йората. Тудо
Йошкар-Оласе олимпийский резерв спорт школышто шуаралтеш.
Медальжым, дипломжым шотлен от пытаре. Ёмаште тўнямбал фотокон-
курсешто ойыртемалтын.

Софья ден Радимир изи Дарина шўжарыштан пример улыт. Нуно
нигунам яра огыт шинче. «Поч книгатым, шўжарем. Марла
лудына», – маныт да кужу жап книга деч огыт ойырло.

Х.АЛЕКСАНДРОВА.

ПОДПИСКЕ

5 гыч 15 апрель марте Россий мучко
Подписчикын декадыже эртаралтеш.
«Ямде лий» газетлан шулдырак
ак – 316 тенгеат 68 ыр – дене
возалташ вашкыза.

Индекс – П4696.

Подпискым
ыштыше-влак коклаш-
те лотерей модышым
эртарена. Тушко ушнаш
манын, квитанцийын
копийжым редакци-
йышке колтыза.

Рекламе.



Ижевскыште роуп скиппинг дене Удмурт Республикын первенствыже да чемпионатше эртаралтыныт. Тагасымашке Марий Эл гыч спортсмен-влак ушненыт да 13 медальым сепен налыныт. 8-16 ияш ўдыр-рвезе-влак (снимкыште) куд шортнб, куд ший да ик той медаль дене пӓртылыныт.

Фотом Интернет гыч налме.

Роуп скиппинг – кандыра (скакалке) дене тӓрштыл-маш.

Российысе увер

Сандакыш чонештымылан 60 ий теммылан пӓлеклалтше «Я на улице Гагарина!» все-российский флешмобышко ушнен кертыда. Гагарин урешты фотом ыштыман да #ПОЕХАЛИ! #ЯнаУлицеГагарина хештегла дене соцкыллаште верандыман.

Кажне кумылан ег «Мы» всероссийский конкурсышко ушнен кертеш. Российысе калык-влак кокласе келшымаш да калыкын икоян улмыж нерген видеороликым войзыман да 31 июль марте мыконкурс.рф сайттышке йодмашым колтыман.

7-17 ияш тунемше да ку-гурак ийготан-влакым «Открытка Победы» всероссийский конкурсыш ушнаш ўжыт. 26 апрель марте пашам колтыман. Тӓрыс уверым victorymuseum.ru сайттыште ончыза.

Марий Элысе увер

Т.Евсеев лӓмеш Национальный тоштер «Экологий – Лӓдыкшыдымылык – Илыш» регионсы фестивал-конкурсым увертарен. Пашам 28 апрель марте колтыман. 16 ияш марте йоча-влаклан «Самырик фотона-туралист» танас уло. Сеньше-влакым 14 майыште палемдат.

Республикысе марий тӓвыра рӓдер школышто тунемше да студент-влакым «Ший талешке» шанче паша конференцийышке ушнаш ўжеш. Дмитрий Орай але Марий кундемын историйже нерген шанче пашам марла возыман да 19 апрель марте mari-centr_konkurs@mail.ru адрес дене электрон почтыш колтыман.

Республикысе йоча каныме лагерь-влак тений кенезым пашам ышташ тӓналлаш улыт. Марий Эл Республикысе образований да науко министр Н.В.Адамован ойлымыж почеш, канаш да тазалыкым пентыдем-даш 184 организацийым ямдылыме. Санаторий ден лагерьлаште 62 тӓжем наре йоча канен кертеш.

Историйым шергалына

1945 ий 9 апрельыште совет войска Германиян лоткоч вьян Кӓнигсберг (кызыт Калининград) оржым сепен налын.

Генерал Р.Я.Малиновскийын вуйлатыме совет войска 1944 ий 10 апрельыште Одессыл фашист тӓшка деч утарен. Одессылан ик эн ончыч «Герой-ола» лӓмым пумы.

1945 ий 13 апрельыште совет войска Австрийын рӓдолажым, Венным, фашист кашак деч утарен.

Дневникыште – «5»-ан гына

Кумшо чырык шенгелан кодо. Мый тудым чыла «визытанлан» тунем пытарышым. Нылымше чырыкыштат тыгак сенгымашке шуаш шонем. Туныктышым, ача-авам куандарынем. Эше жым акам деч варашынем код. Тудо эре «визытанлан» гына тунемеш.



Алина СОЛОВЬЁВА.
У Торъял, Немда.

Шуко илыше огыл,
шуко тунемше шуко шинча.
Тунемде, пасу капкамат
эрташ ок лий.
Калыкмут.

Юрист умылтара

Шуко шочшан ача-ава-влак отпуск жапым шкалан келшышын ойырен налын кертыт мо?

Медведево районусо прокурорын польшка-лышыже, юрист А.И.КОВАКИН (снимкыште) умылтара:

– Кумыт але шукрыак шочшан ача-ава-влак, йочаштлан 12 ий теммешке, отпускым шкалан келшышын налын кертыныт. Тений Россий Федерацийын Трудовой кодексышкыже ваиталтышым пуртеныт. Ынде ача-ава-влакын 18 ийым темдыме кум икшывышт але шукрыак уло да эн изижке 14 ийым темен огыл гын, тыгай йӓн дене пайдаланен кертыт.





Автор кыял
пелыжым веле воза:
вес пелыжым
лудшо сера.
Д.Кожраг.

Кызыт библиотеке книгам аралыше пöрт гына огыл, тудо шкешотан тўвыра, шанче рүдер. Книгагудым моштен вуйлатет гын, лудшо эре лиеш, омса нигунам огеш петырне. Кужэнгер район Салтакъял библиотекеште йоча ден кугыен-влак гүжлат, книга-шамыч огыт «кане».

Книгагудышто изирак тоштер пашам ышта. Тушто 80 утла калык арвер уло: шондык, кўнчылавондо, понар, ургымо машина, утюг, самовар да молат.

– Ондакысе библиотекарь Нина Аркадьевна Курочкина калык арвер-влакым погаш тўнчалын. Мый тудын пашажым умбакыже шuem. Кызыт краеведений пашалан кугу тўткышым ойырена. Марий калыкын тўвыражым, йўлажым арален кодаш манын тыршена, – ойла книгагудо вуйлатыше Н.Ю.ПЕТУХОВА (снимкыште).

Библиотекеште йочасадыш коштшо, школышто тунемше да кугыен-влак дене вашлиймашым эртарат. Тунемше-шамыч ИКН уроклан книгагудыш толыт. Библиотекеyse тоштерын пайдаже кугу. Тудо патриот шўлышан икшывым кушташ полша. Тыгодым книгам йöраташ туныкта.

Надежда Юрьевна шымлымаш пашалан кугу верым ойыра. Изижымат-кугужымат уша. Йоча-влаклан «Родничок» кружок пашам ышта.

Икшыве-влак почмо кундемын моторлык-

шым ужын мошташ, тудын историйжым шымлаш тунемыт. Салтакъялеш шочын-кушшо уста ен-влаклан пöлеклалтше «Ими гордится село» проектым возеныт.

Кугыен-влакын полшымышт дене «Шарнаш кодшо кыша» альбомым чумыреныт. «Лесной» совхозын пашаже, Кугу Ачамланде сар гыч пöртылшö салтак, сарын участникше да тылын труженикше-влак нерген шуко пален налыныт. Школын выпускникше-влаклан пöлеклалтше стендым сöрастареныт. Школ илыш, пионер организаций нерген альбомышт уло. Шнуй вер-влакымат шымленыт.

Книгагудо пандемий годым калык дене дистанционно пашам ыштен. Викториним, йоча сүрет ончерым, краеведений тоштерышке экскурсийым, книга обзорым онлайн эртареныт. Түрлö акцияшыке ушненыт. Лудшо-влак келшыше книгам, журналым телефон дене йодыныт. Н.Ю.Петухова кевытеш коден.

«Тендан шонымаште, кызытсе книгагудо могай лийшаш?» – йодым Надежда Юрьевна деч. Тудо тыге вашештыш:

– Библиотеке тўн сомылжо деч коракшаш огыл. Лудшын кумылжым савыраш манын, чыла йöным кучылтшаш улына. Тўнжö: у да калыклан келшыше книга-влак лийшаш улыт.

Х.АЛЕКСАНДРОВА.

Фотом книгагудын архивше гыч налме.



8-16

Конкурс

ияш ўдыр-рвезе-влак,
«Послание детским писателям мира» кўчык эссе сылнымут конкурсышко ушныза. Паша-влакым 25 май марте колтыза. Тўрыс уверым rgdb.ru сай-тыште лудса.

«Книга тўня – уш-акыл кугыжаныш» сочинений конкурсым иктешлена.

«Писатель-землякын сылнымутшо гыч йöратыме героем» тангасыште 1-4-ше класслаште тунемше-влак коклаште сенгыше – **2-шо номеран Морко школ гыч Регина Григорьева.**

«Шочмо кундемын серызыже дене кугешнем» тангасыште сенгышы лектыныт:

5-8-ше классла коклаште – **Кужэнгер район Йывансола школ гыч Лена Иванова.**

9-11-ше классла коклаште – **1-ше номеран Шернур школын тунемшыже Дима Веденькин.**

Сенгыше-влакым редак-цийыште пöлек вуча.

Шуко лудеш – шуко пала



#Лудшо_ег-ончыльен

Оля ГАВРИЛОВА (снимкыште) – Киров кундем Малмыж район Пүкшәнер книгагудын ик эн чолга унаже. Ёдыр кажне кечын гаяк урок деч вара тушко корным тапта. Оля приключений сынан произведенийым лудеш. Йоратыме авторжовлаклан Ч.Диккенсым, Ф.Ставиногом шотла. Ёдырлан поэзий моткоч келша. С.Есенинын, М.Цветаеван, Й.Кырлан почеламутыштым куанен лончыла.

– *Мо нерген лудмемым мондаш огыл манын, мый дневникеш герой-влакын лумымштым, произведенийын сюжетшым, тун шоньмашыжым кучыкын возем. Лудаш туналамат, ушем дене вес туняшке куснем, чонем дене герой-влакын ылышышт дене илем. Нунын шижмашышт, шоньмашышт пуйто мыйын улыт. Книгам лудмо дене шомак шапашна пойдаралтеш. Ме шоньмашнам моторын, яндарын, чын ойлен кертына. Шуко лудат гын, шуко палет,* – оила Оля.

Х.АЛЕКСАНДРОВА.

Фотом еш архив гыч налме.

Шинча шарла

Мый школ книгагудыш кошташ йоратем. Тушко пуретат, шинчат шарла. Мынар справочник, энциклопедий, сылнымутан литератур улыт?! Вуйлатыше Э.К.Фадеева кажнылан келшыше произведенийым муэш. Куд ий жапыште мый ятыр книгам лудынам. Чаманен каласыман, библиотекешты фантастикке сынан книга шагал. Садлан мый кевытыште наледем.

Кирилл ОРЗАЕВ.

Кужәнер школ.



Фотом школ архив гыч налме

Сенгыше улам

«Россий умбалне шонанпыл» почеламутым сылнын лудмо районысо конкурс Поэзийын тунямбал кечыжлан полеклалтын ыле. Тудо Звенигово оласе книгагудышто эртаралтын. Турло йылме гыч марландыме сылнымут-влакым лудыныт. Мый Анна Ахматован «Шумбелем, тый ит турж серышемем» почеламутшо дене палдаренам. Тудым калык поэт Анатолий Тимиркаев мастарын кусарен. Мыят сенгыше-влак радамыш лектынам.

Кристина КРЫЛОВА.

Звенигово, Эсмекпляк.



#Сүрет_ончер



А.Богдановын «Кузе маска вуйлатен» йомакше почеш Ариадна ФИЛИПОВАН сүретше. Волжский, Пөтъял.

Палаш онгай

Йоча-влак

К.И.Чуковскийын сылнымутшым поснак куанен лудыт. Тудын чумырымо «Федорино горе», «Чудо-дерево», «Путаница», «Телефон» (1926) книгаже-влакым савыктен лукмылан тений 95 ий темын.


К.И.Чуковскийын чын лумжө, ачалумжө да фамилийже – Николай Васильевич Корнейчуков.

Персонаж пеленем

Уш-акылна книгам лудмо дене пойдаралтеш. Кызытсе саманшыте книгам лудмаш пусо йодышыш савырнен. Молан? Ме шуко жапым арам йомдарена. Кугу верым телефонлан ойырена. Мыят моло деч ом ойыртемалт, но шыр верыште книгам лудаш йоратем. Тунам тыге чучеш, пуйто персонаж-влак пеленем улыт. Иктышт поро ден осалым ойыраш полшат, весышт тыйым йомак туняшке нагтаят.

Алексей ГАВРИЛОВ.

Волжский, Сотнур.



1916 ий 10 апрельште Морко район Макарсола ялеш шочын. Горельский школышто, Морко медрабфагыште тунемын. Марий пединститутын литератур факультетыштыже шинчымашым налын. Сылнымут корныш шогалаш ачаже Захар Ефремович кумыланден. Йошкар-Олаште сылнымут кружокыш коштын. 1933-1934 ийлаште Георгий Ефрушын икымше произведенийже-влак шочыныт. Пашаже-влак «Марий коммуна», «Рвезе коммунист», «Ямде лий», «Ленин ой» газетлаште печатлалтыныт. 8 ий жапыште 6 пьесым, 20 ойлымашым, 30 утла почеламутым, 30 статья возен.

1936 ийыште «Ямде лий» газет редакцийште пашам ыштен. 1937-1939 ийлаште Медведево районысо Цибикинур кыдалаш школышто марий йылмым да литературым тунуктен. МарНИИ-н науко пашаенже лийын.

1941 ий 7 июльшто Кугу Ачамланде сарыште ўмыржō кўрылтын.

Писатель, драматург Георгий Ефрушын (Георгий Захарович Ефремовын) шочмыжлан – 105 ий.

Кроссворд



Г.Ефрушын произведенийлажым палыметым терге.

Шола гыч турлашке:

3. «Шошо» ойлымаш гыч герой. **6.** «Энгыремышвот» пьесе гыч герой, колхоз председатель. **7.** «Куд орван сўан» ойлымаш гыч ўдыр. **8.** «Тайра» пьесе гыч тўн герой.

Кўшыч ўлыкō:

1. «Пытаргыш единоличник» ойлымашын геройжо. **2.** «Ешем» пьесе гыч герой. **4.** «Энгыремышвот» пьесе гыч герой, йошкар-армеец. **5.** «Шелше вол» произведений гыч герой. **6.** «Чондымо айдеме» ойлымаш гыч герой. **8.** «Тупай» произведений гыч герой.

В.СМИРНОВ ямдылен.

Блокнот келшен

Мый Георгий Ефрушын шочмо Макарсола ялешыже шочын-кушкынам. Мемнан суртна писательын пōртшō воктенак шога. Шарнем, изиэм годым суртыштышт Мани бовой шкет ила ыле. Тудыжо Георгий Захаровичын Веня шолыжын ватыже лийын. Мый акам-шамыч дене пырля тудын деке кўварым ўшташ, вўдым нумалаш полшаш коштынна. Мани бовой мемнам сад-пакчаже гыч тамле шопке олма дене сийлен.

Г.Ефрушын мōнгыштыжō шуко книга лийын. Жап эртымеке, Ефремовыт еш книга-шамычым школлан пōлеклен. Мани бовой книгалам мыланнат пуэн. Икана мый книга-влак коклаште кўрен коман тошто блокнотым муынам. Кōргыштыжō чернила дене пеш моторын возымо ыле. Мыланем блокнот чот келшен да шкаланем налынам. Модын коштын, ял вуышто йомдаренам. Кычалынам, но муын омыл. Тошто блокнот Георгий Ефрушын лийын манын, жап эртымеке умыленам.

Йоча ушем дене арален моштен омыл. Тидлан шкем кызытат вурсем.

Н.ЛАВРЕНТЬЕВА.



Еш дене лудына

Шошо толын, шошо! Ош пондашан йўштō кугызан пайремже пытыш. Мамык гае ош луман тōшакым чевер кече шулыктара. Тельн чумыр поянлыкше эркин вўдыш савырна. Коремлаште, энгерлаште пōрдын, мўгырен йогышо вўд – тиде шошын пытаргыш поянлыкше...

Яндар канде кава. Тулшолла йошкарген, шошо кече лектеш. Чылдырий турий кече лекмым веле ужын – йонгыдо тўняшке раке муржым йонгалтарашат тўналын. Тева, келдела койын, шошым уна-влак – кайыккомбо тўшка – йўк-йўаным луктын, шонымо верышкышт чо-нештат. Шемгорак-влакшке пашаштлан пеш эр тарваненыт, уло тўшкашт дене пушенге укшереш пыжашым чумыркалат. Шырчык-влак омарташт воктен я мурат, я шинчал-шинчал колтат.

Шошо

Ойлымаш гыч ужаш

Коремлаште вўд шоргыктымо йўк шокта. Вўдлаке тўрлаште – шошын первый пеледышыже – тўкывуй чача-влак пеледыт.

А тева ял. Вот урем. Тева ик суртышто капка почылт кайыш. Тушечын иктаж лу наре куд-шым ияш нўога-влак пикш семын чымалт лектыч. Вич-куд рвезышт ик кукшо серым ойырен налычат, козан дене пеш аярын модаш тўналыч. А мольшт, уремлан тореш йоген кайыше вўдым пўялен, «корабль-влакым» колтылыт, куржталыштыт, кычкыркалат, воштыл колтат. Иктын тева нер йымалныже ночно кечалтын, а ўштылаш жапше уке. Тева весын шаровар энгыраш ўлык кержалтын, клоунла веле коеш, нōлта-лаш ушешыжат ок воч. Да, рвезылан тыгай шыгыр паша годым тōрлалтыл шогылташыже кунам? Ужат, шошыжо могае, эх!..

Г.ЕФРУШ.

Печать да массивый коммуникаций шотышто федерал агентствын окса польшыж дене лукмо.

Шошым кондат

Кайык-влакын тўнямбал кечыштым йочасадыштына палемдышна. Сўретым сўретлышна, мурым мурышна. Йоча-влак ача-авашт дене пырля тўрлő арверым ыштеныт (снимкыште). Арамлан огыл тиде кечым палемдат. Тыгодым кайык-влак шокшо эл гыч чонештен толыт. Нуно кундемышкына пеленышт шошым кондат.

И.СЕМЕНОВАН фотожо.
Медведево, У Арбан.



Шўргыял школышто 1 апрельште Кайык-влакын тўнямбал кечыштым кажне ийын эртарена. Ты гана пай-ремым «Рвезе тукым» йоча ушем ямдылен. 1-4-ше клас-слаште тунемше-влак викто-ринышке, КВН-шке чолган ушненыт. Йоча-влак шулдыран йолташышт нерген шуко ум пален налыныт. Кугурак вожа-тый Е.В.Григорьева «Шывага» калык модыш дене модыктен. Пайрем чылалан келшен.

Дима ЕГОРОВ.
Морко район.



Ынеж чеверласе

Шошо. Пўртўс помыжалтеш. Теле тений ынеж чеверласе ала мо. Шошо каникулышто ече дене коштна. Эр кылме дене кушко шонет, тушко каяш лиш. Лум пентгыде. Ёмбачше мардежла шик-шалтна. Тыге ме шкенан велысе Элнетым тореш-кутын ече дене коштын савырнышна. Могай сылне вершőрыштő илена.

Саша СТЕПАНОВА.

Волжский, Упшер.

Рекламе.

12 апрель – Авиацийын да космонавтикын тўнямбал кечыже.



Валерия САИНАН сўретше.
Морко, Коркатово.

60 ий ончыч, 1961 ий 12 апрельште, совет космонавт Юрий Гагарин «Восток-1» космический корабль дене сандалыкыш тўнямбалне икымше чонештен. Тушто лийме жапше 108 минут шуйнен.

Росси-йыште Космонавтикын кечыже 1962 ий гыч палемдал-теш.

1968 ий гыч тўнямбал кўкшытан лийын.

М. ШКЕТАН ЛҮМЕШ МАРИЙ КУГЫЖАНЫШ ДРАМЕ ТЕАТР

18/04 11:00

Е. Шанин
И. Кузьмин

Сказка
В некотором царстве 0+

КАССЕ 8(8362) 78-13-78 SHKETAN.RU

Шокшо эл гыч кайык-влак тўжшкан толыт гын, шошо рўж эрта.

Калык пале.



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdelfi>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.pf

УЧРЕДИТЕЛЬ-ВЛАК: Мари-й Эл Республикысе культур, печать да калык-влакын пашашт шотышто министерстве, «Ямде лий» газет.

Газетым редакцийыште погы-мо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысyo управленийыштыже регистрироватылме.
Номер – ПИ №ФС 18-1999,
2005 ий 10 февральыште пуымо.

0+

Печатыш пуымо жап –
14-00,
фактически – 13-00

Авторын да редакцийын шонымашышт тўрлő лийын кертат. Серыш-влак мўнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооруженный Вийын 70-ше идалькыше урем, 20-шо пўрт.
Тел. 8(8362) 45-22-82(факс)

**Кидмастар
үлэм**



Кирилл НОВОСЁЛОВ.
Шернур, Кугу Пүнчер.



Егор ИВАНОВ.
Волжский, Пётъял.

Конкурс

*Сүретьште мыняр пырысым,
пийым, суртволькым да кайыкым
ужыда? Шотлыза.*







У мутым тунемына

Шочмо йылмына у мут-влак
дене пойдаралтынак шога.
Йоча-влак, теат шинчымашдам
терген ончыза. У мут-влакым
кучылтын, почеламутым, замет-
кым да молымат возаш, түрлө
заданийым ышташ лиеш.

Чын ойлем

Вич букван шомакым раш,
Йытыран лиеш ойлаш.
Лүмер, кореш, ийора,
Мутер, ушнык, ўжара,
Төнеж, ешлүм, кучем, тодьш,
Шомак дене лие модыш.

Н.Д.ИЛЬИНА, туныктышо.
Волжский, Карай.

**Математике
кроссворд**

$$5 \times \bigcirc = 25$$

$$\begin{matrix} \times & \times & \times \\ \bigcirc & \times & \bigcirc \\ = & = & = \end{matrix}$$

$$10 \times \bigcirc = 50$$

Ик шыргым
верже дене ваш-
галтен, чын ваш-
мутым
ыштыза.



**Шырчык
куанен**

Лум шортын-шор-
тын шула. Йол
йымалне – вўд,
лавыра. А ме, шўжа-
рем дене коктын,
уремыште модаш
йўратена. Шокно эл
гыч шулдыран йол-
таш-влакым куанен
вашлийына.

Лиана ИЛЬИНА.
Волжский, Сотнур.

Ура-а-а! Ялыш
шырчык-влак толы-
ныт! Ёмашсе шыр-
чык омартам ачам дене пырля тергенна. Ачален,
верышкыже сакенна. Кызыт тушко шырчык илаш
пурен. Очыни, куанен – пеш мура.


Костя ШЕХУРДИН.
Шернур, Кукнур.

**Шагатлаште мыняр жап?
Возыза.**



Костя АНТОНОВЫН
сүретше.
Волжский, Сотнур.

Сүретче мужыр-влакым ушен, но икмыняр
йонгылышым ыштен. Могай мужырым
йонгылыш ушымо, муза.



Интернетысе сүрет-влакым кучылтмо.

